

Vorred an den Leser.

zum Futer/der nicht weiß / warzu er sein Maul darstreckt.

Wirdt nuhn also der wahre Philosophus seine Operationes Practica vnd Modum operandi nach der wahren Phylca anrichten/anstellen vnnnd bedencken / so wirdt ihme der Gebrauch diser Schrifften vnd Bücher/mehr befürderlich vnd verhilfflich seyn/ als mit kurzem erzehlt werdē mag/wirt auch der jenig den nutzen in d' vbung vnd versuchen/ als einer der durch niessung einer lieblichē Kost od' Essens im Mund/ als in d' Arbeit reichliche Belohnung/ auch wol befinden. So er auch zuuor/das ich in keinen weg ihne zu ermahnen vergessen soll/ Gott den Herren / der da jederman gibet reichlich/vmb Gnad vnd vmb Verstand anrufft vnd bittet/das er wölle das Fewr seiner Göttlichen Gnaden zuwercken anzünden.

Will damit den günstigen Leser erstlichen zu Gottsforcht/dar nach zur Philosophen/aber nit zur Sophistery gewiesen haben/darmit er sich zuuor/ ehe dann er sich etwz zu laborieren vnderwinden wirdt/den Kernē der wahrheit vnd des grundts / diser vnd anderer gleichförmiger Schrifften/auß den Schalen/Schelffen od' eussersten Rinden der verduncklung außlesen möge / darnach so er das jenig/was die Natur verspricht / im Werck selbst en ersuchen vnd befinden will/da spare er keinen Kosten sich eynzuristen mit allerley Mechanicis Instrumentis, so zum handel dienen/zu denen er mit allerley Handarbeit auch zimlich vnderrichtet seyn soll/habe ein wolgerüst Laboratorium von allerley Ofen / Gläser vnnnd anderen Vorrath/damit so in der enletwas zu haben gebrist / es gleich bey der Hand seye/vnd man in mitten der Arbeit in manglung des Werkzeugs nit verhindert/ geirret vnd gesaumbt werde/darumb so er was anheben oder anfahen will/sey er zuuor wol bedacht / was alles darzu gehöre/vnd man vonnöthen hab. Er habe auch zuuor erlehret allerley Handgriff zu distillieren/supplimieren/calcinieren/reuerberieren/putrificieren/ giessen/abtreiben/2c.

So er nuhn das alles hat/kan/weiß vnd versteht / was da darzu gehört/so ist das/das aller fürnemest/das er keinen Kosten/Mühe vnd Arbeit anzusehen verdriß trage/sondern sey in der Arbeit fleissig/arbeitsam/wachtbar/embfig vnd vnuerdrossener Beständigkeit/zuversuchen das jenig auff mancherley weiß / vnd zum
öfftern